

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

78. Consulendum esse &c. Decretum in causa Vacationis Decanatus Sacri
Collegii Cardinalium die 28. Februarii 1721. habita fuit Congregatio
Particularis in Mansionibus R. P. D. Auditoris sanctissimi, ...
-

[urn:nbn:de:hbz:466:1-74859](#)

præsertim Concilii Tridentini, possit inferior Prælatus Territorium separatum, & jurisdictionem ordinariam, & quasi Episcopalem in Clerum, & Populum, cum ipsius Episcopi exclusione, in aliquo speciali loco acquirere per quadragenariam præscriptionem, una cum titulo colorato: prædicti Eminentissimi Domini, & RR. PP. particularem Congregationem constituentes insimul congregati in ædibus Eminentissimi Judice die 3. Januarij hujus anni 1721. post maturum, & diligentissimum materiae examen, unanimiter responderunt non posse, sed pro acquisitione Territorii separati, prædictæque jurisdictionis, omnino requiri, aut clarum, & undeaque subsisteris Apostolicum Privilegium, aut consuetudinem immemorabilem cum suis omnibus requisitis ritè probatam, per quam Apostolicum Privilegium de jure præsumi valeat. An autem admisso vero Apostolico Privilegio, de sui natura apto ad separationem Territorii, & concessionem jurisdictionis Ordinariae, quasi Episcopalis in Clerum, & Populum cum exclusione Episcopi in aliquo determinato loco, sed aliquam rationabilem dubietatem, aut disputationem admittente, subsequens uniformis quadragenaria, aut per aliud legitimum tempus continuata observantia favens Prælato inferiori in qualibet actuum specie Ordinariae, & quasi Episcopalis jurisdictionis, deseruire valeat pro dicti Apostolici Privilegii interpretatione, prædicti Eminentissimi Domini, & RR. PP. dixerunt id dependere à singulis casuum, & factorum circumstantiis, & sic dandum esse responsum à suis Judicibus super hac re in casibus particularibus. Factualque per me prædictorum omnium Sanctissimo Domino Nostro relatione, die 14. Januarii hoc anno 1721, Sanctitas Sua approbare dignata est, & præsens Decretum publicari mandavit.

Prosper de Lambertinis Sacrae Congreg. Particularis Secretarius.

DECRETUM.

In Causa Vacationis Decanatus Sacri Collegii Cardinalium die 28. Februarii 1721. habita fuit Congregatio Particularis in Mansionibus R. P. D. Auditoris Sanctissimi, cui interuerunt RR. PP. DD. Petra Secretarius Sacrae Congregationis Episcoporum, & Regularium, Marefucus Auditor Sanctissimi, Lancetta, Cerrus, Herrera Sacrae Rotæ Auditors, Antideus Alesfor S. Officii, & Lambertinus Sacrae Congregationis Concilii, & hujus Particularis Congregationis Secretarius.

Omnisque unanimiter responderunt.

Consulendum esse Sanctissimo, quod declarare dignetur Decanatum Sac. Collegij Cardinalium devenisse vigore Bullæ V. fan. mem. Pauli Quarti ad Eminentissimum Dominum Cardinalem Tanarium, uti Episcopum Cardinalem antiquiore in Curia præsentem tempore vacationis dicti Decanatus sequituræ per obitum Cardinallis Fulvii Astallii, exclusis Episcopis Cardinalibus antiquioribus extra Curiam tempore dictæ vacationis cominoribus, non ex publicâ causa, & destinatione Romani Pontificis, eti residerent in Diœcesibus, quarum administrationem ex dispensatione Apostolicâ retinent, & ita servandum esse perpetui futuri vacationibus.

Quo ad aliam vero controversiam inter EE. DD. Cardinalem Tanarium antiquorem in Episcopatu, & juniores in Cardinalatu, & Cardani-

lem Judicem juniores in Episcopatu, sed antiquorem in Cardinalatu, Causa non fuit proposita, attentâ cessione suo juri facta ab eodem Cardinali Judice, Dominique unanimiter dixerunt consulendum esse Sanctissimo, quod declarare dignatur ex hujusmodi cessione nullum in futuris Decanatis vacationibus conferri interrogatum fuisse prædicium Cardinalibus similia jura foventibus.

Factualque eadem die per me infra scriptum Secretarium de præmissis Sanctissimo Domino Nostro relatione, Sanctitas Sua Congregationis Sententiam quo ad utramque partem benignè approbavit, & perpetuis futuris temporibus servari mandavit.

Prosper de Lambertinis Secretarius.

PARS TERTIA.

Complectitur Edicta, Declarationes, & Decreta Memorabilia, quæ CLEMENTE XI. PONT. MAX. Ejusque auctoritate.

A Sacris Congregationibus Urbis.

Nempè S. Officii, Episcoporum, & Regularium, Concilii Tridentini, Propaganda Fidei, Immunitatis Ecclesiasticae, Sacrorum Rituum, Indulgenciarum, Sacrariumque Reliquiarum, Indicis librorum prohibitorum, Disciplinæ Regularis, Visitationis Apostolicae, Rerum Cœrimonialium, Consultationis super negotiis Status Ecclesiastici, & Reformationis Tribunalium ejusdem Urbis prodierunt.

Edicta, Decreta, & Acta Memorabilia Sacrae Congregationis Sanctæ Romanae, ac Universalis Inquisitionis.

Juxta temporis seriem disposita.

DECRETUM

Quo Folia, seu Summaria inscripta, Lega spirituale de Viventi fermata co' Morti, damnantur cum aliis Ordinationibus.

Feria V. die 12. Julij 1703.

In Congregatione Generali S. Romanæ, & Universalis Inquisitionis habita in Palatio Apostolico Montis Quirinalis coram Sanctissimo Domino Nostro D. Clemente Divinâ Providentiâ Papa XI. ac Eminentissimis, & Reverendissimis DD. S. R. E. Cardinalibus in tota Republicâ Christianâ contra haereticam pravitatem Generalibus Inquisitoribus à Sanctâ Sede Apostolicâ specialiter deputatis.

Cum